

第十二會 淨戒波羅蜜多分

- 一、若諸菩薩安住聲聞、獨覺作意，是名菩薩非所行處，決定不能攝受淨戒波羅蜜多，是為菩薩犯戒。P.848
- 二、若諸菩薩雖處居家，而受三歸，深信三寶，迴向無上正等菩提，是諸菩薩雖復受用五欲樂具，而於菩薩所行淨戒波羅蜜多，常不遠離，亦名真實持淨戒者。P.848 雖多發起五欲相應，非理作意，而起一念無上菩提相應之心，即能摧滅。P.848
- 三、菩薩隨所護戒，一切迴向無上菩提，與諸有情作大饒益，窮未來際無間無斷，應知是為菩薩持戒。P.850
- 四、若受持淨戒，迴向趣求一切智智，乃名淨戒。不能迴向一切智智，雖得戒名，而非淨戒。P.852
- 五、菩薩淨戒，能引無量無邊有情，解脫生死及諸惡趣。P.855 菩薩淨戒，為最為勝，為尊為高。P.856 若修菩薩淨戒圓滿，即名如來應正等覺。P.856
- 六、若諸菩薩方便善巧，修諸功德，若起如是種種思惟，應知彼非方便善巧，何以故，菩薩不應欲勝菩薩、輕慢菩薩、降伏菩薩。菩薩於餘諸菩薩所，供養恭敬，應如供養恭敬如來，亦應敬餘有情，心無差別。P.857~858
- 七、菩薩大悲般若力所任持，不怖法空，不證實際，方便善巧成就圓滿淨戒波羅蜜多，為所依止，於一切法應勤修習，時無間斷，而於其中不應味著。P.858
- 八、諸菩薩眾，若暫起心，欣讚聲聞或獨覺地，應知毀犯淨戒；若暫起心，厭毀聲聞或獨覺地，應知毀犯淨戒。所以者何？心生愛著，不能趣求一切智智；心生輕蔑，即障所求一切智智，皆是行於非處。P.858

九、煩惱於諸菩薩有大恩德，謂能隨順一切智智。若菩薩能觀煩惱能助發一切智智，應知已證於一切事方便善巧。
P.859

十、如來應正等覺，皆不棄捨一切有情，其心平等……如來般涅槃後，有諸菩薩精進修行，一切法漸次圓滿，與諸世間作法明照。P.860 宣說無量法門，令勤精進，方便善巧，無倒觀察，離諸戲論，方便修行六波羅蜜多，及餘無量無邊佛法，究竟證得一切智智。P.860

按：三聚戒謂攝律儀戒、攝善法戒、攝眾生戒，均為利己利人，饒益有情，並迴向一切智智。